



Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku, broj: 14-635-06/26 od 17.06.2026. godine, po provedenom otvorenom postupku (OP: 28/26 – Nabavka uređaja za hemijsku analizu jamskog zraka (analizator jamskih plinova)), a u skladu sa članom 70. i 71. Zakona o javnim nabavkama ("Sl. glasnik BiH", broj: 39/14, 47/14, 59/22, 50/24), direktor Iso Delibašić, dipl. ekonomista i prokurist Adi Hamidović, dipl.inž.maš., donijeli su:

## **ODLUKU**

### **o izboru najpovoljnijeg ponuđača**

#### **Član 1.**

Za najpovoljnijeg ponuđača za nabavku roba – Nabavka uređaja za hemijsku analizu jamskog zraka (analizator jamskih plinova), po provedenom otvorenom postupku, broj OP: 28/26, izabran je sljedeći ponuđač:

Naziv / ime ponuđača	Ukupno ponuđena cijena bez PDV-a
"Ive VARNOST ELEKTRONIKA" d.o.o. Visoko	74.925,00 KM

#### **Član 2.**

Prijedlog ugovora o nabavci dostavit će se na potpis izabranom ponuđaču "Ive VARNOST ELEKTRONIKA" d.o.o. Visoko.

#### **Član 3.**

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije, ukoliko iste nije dostavio u svojoj ponudi.

#### **Član 4.**

Za izvršenje ove odluke zadužuje se i ovlašćuje Služba za javne nabavke Rudnika mrkog uglja "Kakanj" d.o.o. -Kakanj.

#### **Član 5.**

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 6.**

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

### **O b r a z l o ž e n j e**

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke, broj: 01-D-01-14-4797/26 od 13.05.2026. godine.

Procijenjena vrijednost javne nabavke bez PDV-a je 75.000,00 KM.

Obavijest o nabavci broj: 967-1-1-152-3-173/26 objavljena je na Portalu javnih nabavki 18.05.2026. godine.

Komisija za javnu nabavku je dana 15.06.2026. godine sačinila Zapisnik o ocjeni ponuda, broj: 14-631-06/26 od 15.06.2026. godine i Preporuku o izboru najpovoljnijeg ponuđača, broj: 14-635-06/26 od 17.06.2026. godine, u postupku javne nabavke roba – Nabavka uređaja za hemijsku analizu jamskog zraka (analizator jamskih plinova).

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dva (2)
- da su blagovremeno zaprimljene dvije (2) ponude



- da nije bilo neblagovremeno zaprimljenih ponuda
- da su ponude ponuđača "teve VARNOST ELEKTRONIKA" d.o.o. Visoko i "IBE JUNUZOVIĆ" d.o.o. Sarajevo prihvatljive
- da nije bilo neprihvatljivih ponuda.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine ("Službeni glasnik BiH", broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Ugovorni organ je u Obavještenju o nabavci broj: 967-1-1-152-3-173/26 od 18.05.2026. godine predvidio provođenje e-aukcije u skladu sa Pravilnikom o uslovima i načinu korištenja e-aukcije.

Nakon što je Komisija Ugovornog organa utvrdila koje od pristiglih ponuda su prihvatljive, a što je konstatovano Zapisnikom o ocjeni ponuda, zakazana je e-aukcija za dan 17.06.2026. godine, sa početkom u 12<sup>00</sup> sati. Komisija Ugovornog organa je predvidjela da aukcija traje 20 minuta.

S obzirom da su pristigle 2 (dvije) ponude ponuđača "teve VARNOST ELEKTRONIKA" d.o.o. Visoko i "IBE JUNUZOVIĆ" d.o.o. Sarajevo ocijenjene kao prihvatljive, to su iste označene za učešće u e-aukciji. Po završetku e-aukcije utvrđeno je da je u postupku nabavke – Nabavka uređaja za hemijsku analizu jamskog zraka (analizator jamskih plinova), najpovoljniji ponuđač "teve VARNOST ELEKTRONIKA" d.o.o. Visoko.

E-aukcije je završena 17.06.2026. godine u 12<sup>20</sup> sati.

U postupku donošenja ove odluke posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	"teve VARNOST ELEKTRONIKA" d.o.o. Visoko	74.925,00 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist

Adi Hamidović, dipl.inž.maš.



Direktor

Iso Delibašić, dipl. ekonomista

Dostavljeno:

1x Direktor

1x Učesnici u postupku javne nabavke

1x a/a